

বাংলাদেশ



গেজেট

অতিরিক্ত সংখ্যা

কর্তৃপক্ষ কর্তৃক প্রকাশিত

রবিবার, সেপ্টেম্বর ১৭, ১৯৯৫

গণপ্রজাতন্ত্রী বাংলাদেশ সরকার

শ্রম ও জনশক্তি মন্ত্রণালয়

শাখা-১৩

প্রজ্ঞাপন

তারিখ, ১৭ই সেপ্টেম্বর, ১৯৯৫/২রা আশ্বিন, ১৪০২

এস, আর, ও নং ১৬৫-আইন/৯৫—Emigration Ordinance, 1982 (XXIX of 1982) এর section 19 এর sub-section 2(K)তে প্রদত্ত ক্ষমতাবলে সরকার বাংলাদেশী প্রবাসকর্মীদের কল্যাণার্থে নিম্নরূপ বিধিমালা প্রণয়ন করিলেন, যথাঃ—

১। সংক্ষিপ্ত শিরনামা।—এই বিধিমালা বাংলাদেশী প্রবাসকর্মী (গোষ্ঠী বীমা) বিধিমালা, ১৯৯৫ নামে অভিহিত হইবে।

২। সংজ্ঞা।—বিষয় বা প্রসংগের পরিপন্থী কোন কিছু না থাকিলে, এই বিধিমালায়,—

- (ক) “অনুমোদিত বীমা কোম্পানী” অর্থ বিধি ৪ এর অধীন কোন অনুমোদিত বীমা কোম্পানী ;
- (খ) “ওয়েজ আর্নার্স কল্যাণ তহবিল পরিচালনা বোর্ড” অর্থ শ্রম ও জনশক্তি মন্ত্রণালয়ের ১৫ই নভেম্বর, ১৯৯০ ইং তারিখের শা-১৩/কল্যাণ-১/৯০/৪৪৯ নং প্রজ্ঞাপন দ্বারা গঠিত পরিচালনা বোর্ড ;
- (গ) “গোষ্ঠী জীবন বীমা” অর্থ এই বিধিমালার অধীন কোন প্রবাসকর্মীর গোষ্ঠী জীবন বীমা ;

(২৯৬৫)

মূল্যঃ টাকা ২.০০

- (ঘ) “প্রবাসকর্মী” অর্থ চাকুরীপ্রাপ্ত হইয়া বিদেশগামী, চাকুরীর উদ্দেশ্যে বিদেশে অবস্থানরত বা বিদেশ কর্মরত কোন বাংলাদেশী; তবে বাংলাদেশ দূতবাসসহ বিদেশে অবস্থিত বাংলাদেশের সরকারী বা সংবিধিবদ্ধ কোন প্রতিষ্ঠানে চাকুরীপ্রাপ্ত হইয়া বিদেশগামী বা অনন্য প্রতিক্রমণে কর্মরত কোন ব্যক্তি প্রবাসকর্মী রূপে গণ্য হইবেন না;
- (ঙ) “বীমা” অর্থ এই বিধিমালার অধীনকৃত গোষ্ঠী জীবন বীমা;
- (চ) “বীমাগ্রাহক” অর্থ এই বিধিমালার অধীন গোষ্ঠী জীবন বীমা গ্রহণকারী কোন প্রবাসকর্মী;
- (ছ) “সনদপত্র” অর্থ এই বিধিমালার আওতার বীমাকৃত প্রবাসকর্মীর বরাবরে অনুমোদিত বীমা কোম্পানী কর্তৃক ইস্যুকৃত বীমা সার্টিফিকেট।

৩। প্রবাসকর্মী গোষ্ঠী জীবন বীমা।—ওয়েজ আর্নাস কল্যাণ তহবিল পরিচালনা বোর্ড কর্তৃক অনুমোদিত এবং উক্ত বোর্ডের সহিত চুক্তিবদ্ধ বীমা কোম্পানী হইতে এই বিধিমালার অধীন নির্ধারিত সুবিধাদি পাওয়ার নিমিত্তে প্রত্যেক প্রবাসকর্মী গোষ্ঠী জীবন বীমা গ্রহণ করিবেন এবং কেবল উক্ত বীমা গ্রহণ করার পরই কোন প্রবাসকর্মী সরকারের বা এতদুদ্দেশ্যে সরকারের নিকট হইতে ক্ষমতাপ্রাপ্ত কোন কর্তৃপক্ষের নিকট হইতে বিদেশ গমন করার অনুমতি ও ছাড়পত্র পাইবেন।

৪। অনুমোদিত বীমা কোম্পানী।—ওয়েজ আর্নাস কল্যাণ তহবিল পরিচালনা বোর্ডের নিকট হইতে প্রবাসকর্মী গোষ্ঠী জীবন বীমা চালু করার জন্য অনুমোদনপ্রাপ্ত কোন বীমা কোম্পানী প্রবাসকর্মী গোষ্ঠী জীবন বীমা চালু করার জন্য উক্ত পরিচালনা বোর্ডের সহিত চুক্তিবদ্ধ হইলে উহা উক্ত চুক্তি বলবৎ থাকাকালীন সময়ের জন্য এই বিধিমালার অধীন অনুমোদিত বীমা কোম্পানী বলিয়া গণ্য হইবে।

৫। বীমার মেয়াদ।—এই বিধিমালার অধীনকৃত বীমা সংশ্লিষ্ট প্রবাসকর্মীর বিদেশে চাকুরীর পূর্ণ মেয়াদ পর্যন্ত বলবৎ থাকিবে।

৬। বীমার ধরণ, প্রকৃতি, পরিধি, ইত্যাদি।—ওয়েজ আর্নাস কল্যাণ তহবিল পরিচালনা বোর্ড এই বীমার ধরণ, প্রকৃতি, পরিধি, আওতা, প্রিমিয়ামের পরিমাণ, বীমা গ্রহণকারীর প্রাপ্ত সুবিধাদি ও তৎসম্পর্কিত অন্যান্য শর্তাবলী নির্ধারণ করিবে এবং উহার ভিত্তিতে প্রবাসকর্মী-দিগকে গোষ্ঠী বীমাকৃত করিতে আগ্রহী বাংলাদেশী বীমা কোম্পানীসমূহের নিকট হইতে প্রস্তাব বা দরপত্র আহবান করিবে এবং প্রাপ্ত প্রস্তাব বা দরপত্রের ভিত্তিতে উক্ত পরিচালনা বোর্ড যে বীমা কোম্পানীকে বীমা করার জন্য অনুমোদন করিবে সেই বীমা কোম্পানীর সহিত উক্ত পরিচালনা বোর্ড কোন নির্দিষ্ট মেয়াদের জন্য একটি চুক্তিপত্র সম্পাদন করিবে এবং সেই চুক্তিপত্র মোতাবেক অনুমোদিত বীমা কোম্পানী প্রত্যেক প্রবাসকর্মীর বীমা করিবে এবং তাহার অনুকূলে সনদপত্র ইস্যু করিবে।

৭। বীমা ঋণিক কার্যক্রম।—(১) কোন অনুমোদিত বীমা কোম্পানীর সহিত সম্পাদিত চুক্তিতে উল্লিখিত মেয়াদের জন্য প্রত্যেক প্রবাসকর্মী ওয়েজ আর্নাস কল্যাণ তহবিল পরিচালনা বোর্ড কর্তৃক নির্ধারিত প্রিমিয়াম পরিশোধক্রমে বীমা গ্রহণ করিবেন। বীমাকৃত ব্যক্তির বিদেশে কর্মস্থলে সম্ভাব্য যোগদানের তারিখ হইতে, যাহা সনদপত্রে উল্লিখিত থাকিবে, চুক্তিতে উল্লিখিত মেয়াদের জন্য বীমার আওতাধীন যে কোন ঋণিক সংঘটিত হইলে তাহার জন্য বীমাগ্রাহককে বা

তাহার মনোনীত ব্যক্তিকে বীমা পলিসিতে উল্লেখিত অর্থ ও অন্যান্য সুবিধাদি প্রদানের দায়িত্ব বীমা কোম্পানীর উপর বর্তাইবে।

(২) বীমা গ্রাহকের মৃত্যু, দৃষ্টিশক্তি বা অন্য কোন কারণে তাহার অবর্তমানে তৎকর্তৃক কৃত বীমার অধীন প্রাপ্য অর্থ ও অন্যান্য সুযোগ-সুবিধা গ্রহণ করার জন্য তিনি বীমা-আইন অনুযায়ী কোন ব্যক্তিকে মনোনীত করিতে পারিবেন।

(৩) বিদেশে চাকুরীতে যোগদানের সম্ভাব্য তারিখ হইতে সর্বোচ্চ তিন মাস সময়সীমার মধ্যে কোন বীমাগ্রাহক বিদেশে তাহার কর্মস্থলে পৌছাইতে ব্যর্থ হইলে তাহার সাহিত কৃত বীমা ব্যাভিল বলিয়া গণ্য হইবে এবং বীমার প্রিমিয়াম বাবদ তৎকর্তৃক প্রদত্ত অর্থ তাহাকে ফেরত দেওয়া হইবে।

৮। প্রিমিয়াম পরিশোধ।—এই বিধিমালার অধীন বীমার জন্য ধার্যকৃত ও অনুমোদিত প্রিমিয়াম বীমাগ্রাহক কর্তৃক বীমা কোম্পানীর অনুকূলে অগ্রিম এবং এককালীন প্রদেয় হইবে।

রাষ্ট্রপতির আদেশক্রমে,

মোহাম্মদ মুনস

উপ-সচিব (জন)।